



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1553. usque ad annum 1557

Fleury, Claude

August. Vind. [u.a.], 1771

VD18 9011857X

§. 101. Alius Legatus in Poli locum a Papa nominatus.

[urn:nbn:de:hbz:466:1-66565](https://nbn-resolving.org/urn:nbn:de:hbz:466:1-66565)

postea præcipue hortatus est, ut Marco Sæcul. XVI.
Antonio Columnæ a Papa veniam im- A.C. 1557.
petraret, eo quod plurimæ illi in Italia
affinitates essent, ac potentissimos juxta,
ac oppido illustres Principes sibi ad-
dictos haberet, ut proin, quamdiu se
spoliatum cerneret, timendum foret, ne
tranquillitati continuo oblitaret. Tan-
dem Philippus, ut Legato Cardinali
ostenderet, quanti illum præ reliquis
Caraffensis familiæ Principibus specia-
tim faceret, eidem duodecim millium
aureorum pensionem largiebatur. Hac
liberalitate Legatus nonnihil placatus
Philippo grates rependit, ac præmissa
obsequiosa salutatione die undecima
Martii anno sequenti Bruxellis Romam
profectus est.

§. CI.

*Alius Legatus in Poli locum a Papa
nominatus.*

Dum hæc agebantur, summus Ponti- Pallav. c. 2.
fex Cardinalem Polum, cujus fa- num. 5.
ma iniquis accusationibus apud eundem Ciacon.
fuerat graviter læsa, ab Anglica Le- p. 636. Ray-
gatione dimovere statuit: ast huic Viro nald hoc
idoneum, parisque meriti Præsulem sub- ann. n. 42.
rogare, maximi moliminis rem esse & seq.
probe cognoverat, quocirca longo tem-
pore dubius hærebat, quin vel unicum
in Anglia Præsulem reperiret, qui tanti
momen-

Sæcul. XVI.
A.C. 1557.

momenti Legationem digne obire posset: tandem vero oculos coniecit in Guilielmum Peytium ex Fratibus Minoribus, quos Observantes vocant; hic enim regnante Henrico VIII. libertate prorsus Apostolica Catharinam legitimam esse Regis Conjugem, e suggestu pronuntiabat; hinc exilii poenam subire cogebatur, inde in patriam nonnisi mutato regni statu reversus. Hunc ergo nonnisi probitatis, sapientiæ, ac eruditionis ejus merito permotus Pontifex Sedis Apostolicæ Legatum nominabat, eidemque diploma tradi præcipiebat, quo Polus redire, Romamque contendere jubebatur, ut ibidem varia accusationum capita adversus eum delata dilueret. Eo tempore Peytius Sarrisberiensis erat Episcopus, qui solus die decima quarta Junii Anno Domini millesimo quingentesimo quinquagesimo septimo Cardinalium Collegio adscriptus fuit. Ceterum Polus præcipue accusabatur, perinde ac si hæreticos protexisset, eisque patrocinium suum impendisset, maxima, qua abundabat, animi lenitate erga illos usus; hanc enim viam magis, quam severitatem ad eos revocandos utilem fore censebat.

§. CII.